

# Жаңаң АДАБИЕТИ

Адабий-бадиий, ижтимоий-публицистик журнал



## МУАССИСЛАР:

ЎЗБЕКИСТОН МАТБУОТ  
ВА АҲБОРОТ АГЕНТЛИГИ

ЎЗБЕКИСТОН ЁЗУВЧИЛАР  
ҮЮШМАСИ

РЕСПУБЛИКА МАҲНАВИЯТ  
ВА МАЪРИФАТ КЕНГАШИ

1997 йил шундан чиқа бошлаган

№ 10/209

2014 йил, октябрь

*Боши муҳаррир:*  
Шуҳрат РИЗАЕВ

*Жамоатчилик кенгаси:*

Эркин ВОХИДОВ  
Абдулла ОРИПОВ  
Омонулла ЮНУСОВ  
Муҳаммад АЛИ  
Муҳаммаджон ҚУРОНОВ  
Қаҳрамон ҚУРОНБОЕВ  
Иброҳим ГАФУРОВ  
Низом КОМИЛОВ  
Шуҳрат СИРОЖИДДИНОВ  
Муҳаммаджон ХОЛБЕКОВ  
Хурийд ДЎСТМУҲАММАД

*Таҳрир ҳайъати:*

Амир ФАЙЗУЛЛА  
Назира ЖЎРАЕВА  
Омонулла РИЗАЕВ  
Отабек САФАРОВ  
Шаҳноза НАЗАРОВА  
Фозил ЖАББОРОВ  
Алимурод ТОЖИЕВ  
Дилдорхон АЛИЕВА  
Алишер ОТАБОЕВ  
Севара АЛИЖОНОВА

## МУНДАРИЖА

Алишер НАВОИЙ. Шоҳбайтлар ..... 3

### НАСР

М.ЯН. Мусаллас мамлакати. Роман. (Хитой ва рустилиларидан А.Файзулла, С.Алижонова тарж.). ....4

В.КОРСАРИ. Мангу изтироб. Роман.

(Рус тилидан М.Омон тарж.). .....77

### ГЛОБУС ХИТОЙ

Самовий салтанат сехри. .....157

Хитой шеърияти. .....167

Хитой насли. .....175

Унутилмас сиймолар. .....186

### УСТОЗ ТАРЖИМОНЛАР БИСОТИДАН

Ҳасан ТЎРАБЕКОВ. .....128

### ҲИКОЯ ҲАҚИДА ҲИКОЯ

О.ОТАХОН. Сарҳадлар. .....139

С.ЮКИ. Ҳазон қоплаган боғ. .....142

### ЖАРАЁН

М.ХОЛБЕКОВ. 2014 йилги Нобель мукофоти совриндори. .....124

А.ОРИПОВ. Улуг шоир хотирасига муносиб асар. .....127

В.БУРОВ. Бугунги Чин юртининг сиёсий йўли ва “Хитой орзуси”. (Рус тилидан Н.Жўраева тарж.). .....150

А.ОТАБОЕВ. Замон эврилишлари ва таржима талқинлари. .....157

### АДАБИЁТШУНОСЛИК. ФАЛСАФА

Арнольд Жозеф ТОЙНБИ. Тарих тадқиқоти.

(Рус тилидан Ж.Сафоев тарж.). .....54

### ЖАҲОНИЙ ТАБАССУМ

Б.НУШИЧ. Ҳикоялар. (Рус тилидан М.Ғаниев тарж.). .....193

Муқовамизда. .....203

Тақвим. .....204



## ШОҲБАЙТЛАР

*Назарга қайси тарафдинки, бир губор келур,  
Кўзум ёрур бу таманно билаки, ёр келур.*

\* \* \*

*Озими дашти фано бўлдум<sup>1</sup>, келур Мажнун додги,  
Гар қадам тез урмон андиндурки, ҳамтоим келур.*

\* \* \*

*Касрнинг ҳар кунгури узра бало тошимудур,  
Йўқса ботил ишқ даъви қилгон эл бошимудур.*

\* \* \*

*Нетай туз этиб қадким<sup>2</sup>, жиссимида шиканлардур,  
Найлаб туз урай дамким<sup>3</sup>, бағримда тиканлардур.*

\* \* \*

*Эй Навоий, гар ўларда жон талаисам қилма айб,  
Дермен ул ойни кўруб, жон берсан эҳмолим будур.*

\* \* \*

*Манга ишқ дарди эмас муҳлиқ<sup>4</sup> у бас,  
Замон дарди, аҳли замон дарди ҳамдур.*

\* \* \*

*Номавон жиссими жунун даштидақим бўлмиши хаёл,  
Дема Мажнун жиссимидинким, руҳидин тимсолдур.*

\* \* \*

*Кўнгул ичра гам камлиги асрү гамдур,  
Алам йўқтузи додги қоттиқ аламдур.*

\* \* \*

*Бевафолар ўт, вафо аҳли эрур туфроғким,  
Чархдин ул саркаши ўлди, бу додги помол<sup>5</sup> дур.*

<sup>1</sup> Озими дашти фано бўлмоқ – йўқлик даштига жўнамоқ.

<sup>2</sup> Туз этиб қад – қадни тик тутмоқ.

<sup>3</sup> Туз уриб дам – бир текис нафас олмоқ, тўғри сўзламоқ.

<sup>4</sup> Муҳлиқ – ҳалок қилувчи.

<sup>5</sup> Помол, поймол – оёқ остида қолган.

## МОЯН



Хақиқий исми Гуан Мое бўлған замонавий хитой ёзувчиси, Гонгконг Очиқ филология университетининг фаҳрий доктори, 2012 йилги адабиёт бўйича Нобель мукофоти совриндори Мо Ян Хитой Халқ Республикасининг Шандун шаҳрида 1955 йил 17 февралда дунёга келди. Мазкур олий мукофотга ёзувчи “адабиётда эртак, тарих ва ҳозирги кунни омухта этган реализми” учун сазовор бўлди. Дарвоқе, журналимизнинг 2013 йил 6-сонида унинг “Қиссагўй” сарлавҳали Нобель маъruzаси эълон қилинганини эслатиб ўтамиш. Мо Яннинг “Қизил гаолян” номли илк романи асосида (унда 1920 йилларда Хитойнинг Японияга қарши уруши ҳақида ҳикоя қилинади) режиссёр Чжан Имоу ўзининг илк фильмини суратга олиб, 1988 йилги Берлин кинофестивалида ғолиб бўлган эди. Шунингдек, ёзувчининг “Саримсоқ балладаси” номли романи ҳам Нобель қўмитаси аъзолари томонидан юксак баҳоланган. Мазкур мукофотга лойиқ топилган “Мусаллас мамлакати” романининг ўзбек тилига таржима қилиниши ўзига яраша маданий воқеа бўлишига ишонамиз.

Таҳририят

## МУСАЛЛАС МАМЛАКАТИ

Роман<sup>1</sup>

Биринчи боб

I

Провинция прокуратурасининг маҳсус бўлими терговчиси Динг Гоуэр кўмир ташувчи юқ машина кабинасида чайқалиб борарди. Текширув ўтказиш учун Лошан шахтасига йўл оларкан, ўйлар миёсида ғужғон ўйнарди. Илгарилари лойиқ келган эллик саккиз ўлчамли жигарранг бейсбол кепкаси негадир ҳозир бошини кисқичдай қисарди. Охири бўлмади, шартта бош кийимини ечди, қараса, у жиққа терга ботибди. Димоfiga бошқа аллақандай ҳид аралаш ёғли сочнинг бадбўй иси урилди. Намхуш ва муздек туюлган ҳид ниманики эканини тусмоллай олмай, ўқшиб, томогидан ушлади.

Шахтагача қўл чўзса етгулик масофа қолганди, қоронғи йўлда ғадир-



будур ва ўйдим-чукур жойлар кўзга ташлана бошлади. Ўқдай учиб кетаётган юк машинаси тезлигини пасайтиришга тўғри келди. Улов бир у ёнга, бир бу ёнга чайқалар, Динг Гоуэрнинг боши эса тинимсиз кабина шифтига уриларди. Кўхликкина ёш ҳайдовчи қиз йўлни ҳар қанча териб юришга уринмасин, бефойда эди, эркақчасига ғудраниб сўқинар ва бисотидаги барча ҳақорат сўзлар тилининг учидаги турарди. Терговчи беихтиёр қизга тикилиб қолди. Қиз ҳаворанг кийимда бўлиб, либос тагидан чиқиб турган пушти кўйлагининг ёқаси унинг оппоқ бўйинни яшириб турарди. Қопкора кўзлари чақнар, сочи қалта қилиб кирқилган, қоралигидан ялт-юлт қиларди. Оқ кўлқопли кўли чамбарни маҳкам ушлаб олган, бутун диққати йўлда – ўйдим-чукурлардан чаққон айланниб ўтишда эди. Машина чапга бурилганда қизнинг оғзи чапга, ўнгга юрса – ўнгга караб қийшаярди. Хуллас, ҳайдовчи қиз нари бориб-бери келаётганди. Шўрликнинг бурнидан тер чиқиб, пешонасида тиришлар пайдо бўла бошлади. Манглайи энсизгина, ияги қаттиқ ва дум-думалоқ, қалин лаблари унинг оташин ва эҳтиросли эканини айтиб турарди. Юк машинаси қаттиқ чайқалди-ю, бехос иккисининг танаси бир-бирига тегиб кетди. Терговчидаги қизга яқин сурилиб, уни қўллари билан ушлаш истаги пайдо бўлди. Малакали, қирқ саккиз яшар терговчи учун бундай хис-туйғулар одатда ғалати туюлади, айни вақтда эса ёқимли эди. У бошини силтаб, қиздан кўзини олиб қочди.

Йўл эса тобора ёмонлашиб борарди. Машина бир чуқурдан иккинчисига тушар, ҳар гал у ёқдан-бу ёққа қаттиқ чайқалар ва ғичирларди. Бироқ у олдинга юришдан тўхтамас, худди панжалари ана-мана шилиниб тугайдиган баҳайбат махлуқка ўхшарди. Ниҳоят турнакатор юк машиналарининг охиридан келиб жой олди. Ҳолдан тойган қиз ўзини хотиржам хис этиб, оёқларини узатди, моторни ўчириди, қўлқопларини ечди, рул чамбарини туртиб қўйди-да, терговчига ёвқараш қилиб, деди:

– Онангни... яхшиямки, қорнимда болам йўқ!

Терговчи титраб тушди ва қизнинг кўнгли учун минғиллаб деди:

– Бола бўлгандаям аллақаҷон тушиб қоларди.

– Тушса тушиб ўлсин эди, – жиддий оҳангда эътиroz билдириди ҳайдовчи қиз. – Бир ўлиқ болага икки минг юан беришади, – шундай дея у терговчига еб қўйгудек ўқрайди. Барibir ҳам, “Хўш, бунга нима дейсан?” – дегандек қараб турарди.

Динг Гоуэрни ёқимли қўркув ва қизиқиш қамраб олганди. Озгина бемаза суҳбат давомида у бутун вужуди билан қизга боғланиб қолганди. Жинслар орасидаги парда аллақаेरга ғойиб бўлган, иккиси ўртасида энди ҳеч қандай масофа йўқ эди. Ҳайдовчи қизнинг сўзлари замирида ундаги кечинмага нисбатан нимадир мавжудлигини хис этиб, бирдан юрагида шубҳа ва қўркув пайдо бўлди. У қизга сергаклик билан қаради, қиз эса лабларини бурди. Буни қўриб, терговчининг хафсаласи пир бўлди. Ахир ҳозирги журъатли, бир сўзли, ғалати қиз қаёқка ғойиб бўлди? Аммо нағис дудокларнинг бетакаллуп жилмайиши терговчининг кўнглига оғир ботди. Қизнинг юз ифодасидан ўзининг ҳеч ким эмаслиги, қалтабинлиги, дардларини айтиб, бошини оғритишга арзимаслигини англади.

– Сен фарзанд кутяпсанми? – кутилмаганда сўради терговчи.

Танишувнинг барча қонун-қоидаларини бир четга суриб, қиз хиёл шармизларча деди:

– Мен шўрхок ерман, ҳамма бало шунда.

“Сен тажрибали терговчисан, – ўйлади Динг. – Зимманнга катта масъулият юкланган, бироқ аёл зиммасидаги масъулият ҳаммасидан катта. – Тўсатдан у жамоага қандай кулги бўлгани ҳақида эслади: “Динг Гоуэрга ўхшаганлар ишни зумда очиб ташлайди”. – Катта кетганга яхшигина дашном”. У чўнтағидан мусалласли идишини олди, қопқоғини бураб очди, бир қултум ичиб, қизга узатди.

— Аслида қишлоқ хўжалиги бўйича мутахассисман, хусусан, мелиорация бўйича.

Қиз зарб билан сигнални босди, бироқ жудаям паст, бўғиқ овоз эши-тилди холос.

— Онангнинг киндигини боссанг бўларди! — деди ғазаб билан бошқа юк машинасидан тушиб, уларнинг олдига келган ҳайдовчи.

Қиз шишани олди, сифатини билмоқчидай ҳидлаб кўрди, сўнг бошини кўтарди-да, қулқуллатиб охиригача сипкорди. Динг Гоуэр уни мақтамоқчи бўлди, лекин мусаллас мамлакатида туриб мусалласнинг сифатига баҳо бериш қалай бўларкин, деб чурқ этмади. Терговчи оғзини артди ва қизнинг лўппи, мусалласдан намланган, қип-қизил лабидан кўзини узмай, дадиллик билан деди:

— Кел, лабларингдан битта бўса олай!

Қиз бирдан қип-қизариб кетди-да, шаллақилик билан бақира бошлади:

— Мендан эмас, бориб онангдан ол бўсани!

Эсанкираб қолган Динг Гоуэр шошиб атрофга қулоқ солди, нариги юк машинаси ҳайдовчиси аллақачон кабинага кириб олган, ҳеч кимнинг улар билан иши йўқ эди. Олдинда машиналар турнақатор бўлиб тизилган, орқада эшак қўшилган арава турибди, ундан кейин – тиркамали юк машинаси. Эшакнинг ясси пешонасидағи яп-янги, қип-қизил шокиласи зим-зиё тунни ёлқиндай ёритиб турарди гўё. Йўлнинг ҳар икки четида чўзилган зовур, ўсиб кетган йўсинглар орасидан пастак, таналари касалванд дараҳтлар кўринади. Дараҳт баргларию ўт-ўланлар чангдан қоп-қора тусга кирган. Кузнинг сўнгги кунлари: зовурларнинг нарёғида ястаниб ётган сарфиш-яшил анғизлар<sup>1</sup> узра улуғвор сукунатга халал бермай ғиз-ғиз шамол эсади, манзарани қувончли деб ҳам, қайгули деб ҳам бўлмайди. Атрофда шахталар ўлкаси, сарфиш тутунлар орасида терриконлар<sup>2</sup> қад кўтарган. Шахта кудуғи олдида чигирлар тинимсиз айланади, бу сирли ва ғалати туюлди. Үнинг ярми кўриниб турар, қолган ярми юк машинаси панасида эди.

Ҳайдовчи қиз пичинг қилиб: “Мен сенга бўса берайми? Ҳах, онангдан олгин бориб!” – тақрорлади жойидан қимир этмаганча. Унинг қичқириб айтган сўzlари ҳар қанча қўрқинчли бўлмасин, Динг Гоуэр қаҳ-қаҳ уриб кулиб, кўрсаткич бармоғи билан қизнинг кўксига нуқиди. Бу гўё “старт тутмачаси”ни босиш бўлди-ю, қиз унга ўзини ташлаб, бутун гавдаси билан ўзига тортди, муздек кўллари билан унинг бошидан чангллади-да, лабларини чўзди. Дудоги совуқ ва юмшоқ, эҳтиорсиз, бамисоли момиқнинг ўзи. Терговчининг ҳафсаласи пир бўлиб, бирдан унга қизикиши сўнди ва ўзидан нари итарди. Бироқ бу дарғазаб шервачча унга қайта-қайта ташланиб, тинмай бидирларди:

— Ҳой, онангни эмгур, эркакмисан ўзи, йўқми...

Терговчи кўл-оёқларини типирчилатганча ўзини олиб қочишга уринди. Жиноятчиларни тинчлантирадиган усул билангина қизни инсофга келтиришга муваффақ бўлди.

Иккиси ҳам оғир-оғир нафас оларди. Динг Гоуэр қизнинг билакларидан маҳкам тутганча, унинг қаршилигини енгишга ҳаракат қиларди. Қиз терговчининг қучоғидан қочиб чиқишига бор кучи билан уринар, бутун бадани пружинадек эшиларди. Бир нималар деб ғўлдираб, бузоққа ўхшаган овоз чиқаарди. Бундан терговчи яна кулиб юборди.

— Нимага куляпсан? – тўсатдан сўради қиз.

Кизнинг кўлларини кўйиб юбориб, терговчи чўнтагидан ташриф қофози чиқарди:

— Мен кетдим, хонимча. Хоҳласанг, мени шу манзилдан топасан!

Киз унга бошдан-оёқ разм солиб қаради, сўнг чегарачи сайёҳнинг пас-

<sup>1</sup> Анғиз – экини ўриб олинган ер.

<sup>2</sup> Террикон – кондан қазиб чиқарилган рудалар чиқиндиси.

портига күз солгандек, ташриф қоғозига қаради. Кейин яна бошқатдан тикилиб қолди.

Динг Гоуэр қизнинг бурнидан чимчилаб қўйди-да, чарм сумкасини қўлтиғига қистириб, машина эшиги туткичидан ушлади:

– Хайр, қизалоқ. Шўрхок ербоп олий навли ўғитларим бор!

Машинадан энди тушган ҳам эдикӣ, қиз унинг кийими четидан тутди. Қиз саросималаниб қараб тураркан, терговчи унинг ҳали ёш бола эканини, турмушга чиқмаган, ҳеч қачон эркак зоти билан ҳам бирга бўлмаганини англади. Матсумлигидан ичи ачишди: Динг унинг қўлини силаб қўйди-да, самимийлик билан деди:

– Азизам, мен отанг қаториман-а.

– Ёлғончи! – пишқириб деди қиз жаҳл билан. – Машина устахонасиғача дегандинг-ку!

– Деярли етиб келдик, – жилмайди терговчи.

– Жосус!

– Ҳа, бўлса бордир.

– Жосуслигингни билганимда, машинага чиқармаган бўлардим!

Динг Гоуэр бармоғини тиқиб сигарет тополмаган бўш кутини қизга томон ирғитди:

– Бўпти, жаҳлинг чиқмасин.

Киз унинг мусаллас идишини зовурга улоқтириди:

– Тағин эркак эмиш, идиши қуриб ётибди-ку.

Динг Гоуэр йўл четига сакраб тушди, эшикни қарсиллатиб ёпди-да, олға одимлаб кетди.

– Ҳой, жосус! – ортидан қизнинг овози янгради. – Йўлда қанча фалокат рўй берганини билмайсанми, мабодо?

Динг Гоуэр орқасига ўғирилиб, қизнинг ойнадан бошини чиқариб турганини кўрди-да, мийигида кулиб қўйди, аммо ҳеч нима демади. Қизнинг кулмоқ гулига ўхшаган чехраси бир дақиқагина сақланди холос, сўнг қадаҳга қўйилган пиво кўпикларидан йўқ бўлиб кетди. Кўмир конига олиб борувчи йўл ифлос ва тор, узунчакдай бир-бирига айқаш-уйқаш бўлиб ётарди. Юқ машиналари, тракторлар, хўқиз қўшилган уловлар – барчаси ўз думини ўзи ғажиган даҳшатли маҳлуқقا ўхшарди. Баъзи машиналар чироғи ўчирилган, баъзилариники эса йўқ. Олдинда трактор капотлари устига, орқада эса автомобилларнинг пастки қисмига ўрнатилган қувурлардан кўкиштон тутунлар паға-паға бўлиб чиқарди. Чала ёнган бензин ва солярка жониворларнинг бадбўй ҳиди билан қоришиб, ҳавода осилганча нафасни бўғарди. Терговчи шахта томон ҳаракатланаркан, гоҳ машиналарга яқин бориб қолар, гоҳ пастак дараҳтларнинг каллакланган шоҳларига ўзини уриб оларди. Кабинада ўтирган деярли барча ҳайдовчилару арава шотисига суюниб олган аравакашлар баравар мусалласхўрлик қиласарди. Бу ерда рулдаги одамнинг ичиши тақиқланмагандек. “Буларнинг охири борми ёки йўқ?” – у ғазаб билан юқорига қаради: қазилаётган коннинг марказий қисмida ниҳоятда баланд кўтаргич хартумининг учдан икки қисми кўзга ташланарди. Кумуш рангли пўлат трос ғилдирак устидан текис ҳаракатланар, кўтаргичнинг ўзи эса ё занги сабабми ёки бўёқданми, куёш нурида тўқ қизил ва исқирт кўринарди. Катта қора блок ҳам хунук кўринар, тўхтовсиз сирпанаётган трос жуда чақноқ бўлмаса-да, ваҳимали кумушранг учқунлар сачратарди ва шу туришида у заҳарли илонни эсга соларди.

Ранг ва жилваларнинг бу ўйинига монанд равишда айланаётган блокнинг ғичирлаши, таранг тортилган пўлат троснинг ғириллаши ва еrostи портлашларнинг бўғиқ гув-гувлаши қулоқни қоматга келтиради.

Кон ёнидаги суйри майдон ҳам машина ва араваларга лиқ тўла эди, йўл четидаги қатор қайнинларни кўмир чанги қоплаган. Бошдан-оёғи иф-

лосланган барглардан чимдиш учунми ёки тумшуғини ишқалаб қашиш учунми, каштан шохлари орасига бош сүкқан от бирдан пишқириб юборди. Бир арава ёнида талай одам тўпланган эди. Юзлари офтобдан қорайган, бошларини қийиқча билан танғиган, кийимлари титилиб кетган, белларига камар ўрнига чилвир боғлаб олган эдилар. Аравага қўшилган от ясси тўқима саватдаги пичанни гурт-гурт чайнар, эгалари эса майхўрлик билан овора эдилар. Каттакон тўқ бинафшаранг шиша давра бўйлаб айланар ва хар ким унга ошкора сук билан ёпишар эди. Барчалари навбати билан ёпки устидаги катта оқ турупдан карсиллатиб узиб оларди. Ҳузур килиб кавшагач, ўшандай карсиллатиб узиб олгани тағин интилишарди. Динг Гоуэрни ҳаммадан кўп ичади деб бўлмасди, лекин ичишни хуш кўрарди. Мусаллас-нинг қайси бири яхшию қайси ёмонлигини ажратса оларди, ҳавони тутган бадбўй ҳиддан англадики, мана бу шишадаги ичимлик у қадар мақтагулик эмас. Шолғомли арақ ҳиди, лоф эмаски, одам ели ҳидидан ҳам бадбўйроқ эди. Мусалласхўрларнинг кийимлари ёб-ичаётган нарсалари уларнинг Жюгую атрофидаги дехқонлар эканини яққол билдиради. Терговчи улар олдидан ўтиб кетаётганда, биттаси хирилдоқ овозда сўради:

– Соатинг неча бўлди, ўртоқ?

Соатига караб, Динг Гоуэр жавоб берди.

Кўзлари қизил ваmallаранг соқолли ёш дехқон йигитнинг чехрасида шундай ғазабли ифода зоҳир эдики, терговчининг юраги шиф этиб кетди ва у қадамларини жадаллатди.

– Дарвозани тезроқ оча қолишиша бўлмайдими, қоврилиб кетдик-ку, – орқадан луқма ташлаб қолди дехқон йигит.

Хўрликдан у ўзини ўқотай деди, аммо тан олиш керакки, бунинг учун асослар йўқ эмасди. Ун бирдан чорак ўтиби-ю, аммо коннинг бақувват қулф урилган темир панжарали дарвозаси ҳамон ёпиқ эди – қулф ҳам нақ тошбақанинг косасидай келарди ўзиям. Дарвозанинг ўзига саккизта пўлат варак қопланган эди. Уларга қизил бўёқда иирик-иирик иероглифлар билан ёзилган “Корхонада хавфсизликка риоя қилинг!” ва “Биринчи май байрами билан табриклаймиз!” сўзлари аллақачон уннишиб кетганди. Куз кунининг мафтункор ёғдусида кўп нарсалар тароватли кўринарди, қоп-қора кон узра кўм-кўк осмон янада кўркамроқ акс этарди. Жойнинг баланд-пастлигига караб бир кўтарилиб-бир тушган кўйи ҳудуд атрофида одам бўйидан сал баландроқ қулранг ғишин деворчувалиб кетган. Дарвоза табақасидаги эшик қия очиқ, унинг ортида каттаконmallаранг кўппак эриниб ағанаб ётарди, унинг боши узра кузги япроқдек нимжон капалак қанот қокарди.

Динг Гоуэр эшикни очмоқчи бўлган эди, кўппак ғазаб билан унга ташланди, сал бўлмаса нам тумшуғи билан кафтининг орқа томонига тегиб кетаёзди. Тўғрироғи, итнинг тумшуғи кафтига келиб тегди, чунки терговчи унинг<sup>2</sup> салқинини аниқ ҳис этди; ранги билан у нофармон каракатица<sup>1</sup> ёки личи нинг пўстлоғини эслатарди.

Бироқ кутурган кўппакнинг тажовузкорлиги шу заҳоти қўрқув билан алмашди. У йўлакдаги сояға ўзини отди, сўлиған софора<sup>3</sup> буталари орасига сингиди ва ангиллаганча тўртбурчак бошини силкиди.

Динг Гоуэр лўқидонни сурди, эшикни итарди, орқаси билан муздек темирга тиранганча бирпас турди ва қўрқиб кетган кўппакка ачиниб қараганча ичкарига қадам қўйди. Кўлига қаради: суюклари ўйнаб, кўк томирлари бўртган; қонида алкоголь йўқ эмас, аммо унда на қувват, на айтарли нарса кўзга ташланарди. “Нега аввалига ташланниб, энди мендан қочаяпсан?” – деб сўрагиси келиб кетди унинг кўппакдан.

Ювиниш тоғорасидаги илиқ сув ҳавода чайқалиб ёйилди. Ранг-баранг ва ола-була шаршара. Шундай бир капалакки, у ёлғиз қолишини истамай-

<sup>1</sup> Каракатица – денгиз моллюскининг бир тури.

<sup>2</sup> Личи – Хитой олхўриси.

<sup>3</sup> Софора – дуккакли ўсимлик.

ди. Күпик ва қуёш. Умид. Бир дақиқача бўйнидан сув оқди, сўнг шабада келиб урилди ва ҳаммаёқ салқин тортди. Кўп ўтмай кўзлари оғирлашди, оғзи арzon атир-упа таъмини берувчи шўр нарса билан тўлди. Шу заҳоти анчадан бери ювилмаган юз ҳиди ва бужмайган руҳий тажаллий уйғунлик касб этгандай туюлди. Шу лаҳзада кабинадаги ҳайдовчи қиз терговчининг хотирасидан қайтмас бўлиб учди. Увадага ўхшаган дудоқлар ҳам ғойиб бўлди... Бироқ кейин қўлида унинг ташриф қозозини тутган аёл аниқ ва кескин равишда шуури юзасига қалқиб чиқди, гўё олис туманли тоғлар акс этган табиат манзараси чизилган сувратдай. “Итдан тарқаган!”

– Ўлгинг келдими, итдан тарқаган? – унинг олдида кўлларида тоғорача билан турган навбатчи жаҳл билан депсинди.

Динг Гоуэр бу билан унинг ўзига шама қилаётганини тушунди. Бошидан сув томчиларини силкиб ташлагач, кир дастрўмоли билан бўйнини арти, томоғини қириб, тупурди. Бу қийин аҳволдан чиқиш учун кўзларини пирпиратди, ўзининг асл ҳолатига қайтди ва навбатчига тешиб юборгудек тикилди. Турли катталиқдаги, кўмирдай қоп-қора, ҳаёсиз, тўпори кўзлар, дўлана мевасига ўхшаш дум-дўмалоқ қизил бурун, кўкарған лаблар ва қайсарларча қисилган тишлар. Куйдиргувчи қандайдир тўлқин бамисоли илон ёкичувалчангдай эшилиб-тўлғониб аъзойи баданини силаб ўтди. Газаб туғён урди, унинг алангаси тобора авж олиб борарди, бош чаноғи ўчоқдаги писта кўмир ё яшин каби оппоқ тусга кирди ва кўксида орият хисси ғуфрон урди.

Худди итга ўхшаб, навбатчининг қаттиқ ва қора увадалари ҳар томонга қараб осилиб ётарди. Афт-ангори билан Динг Гоуэр унинг ўтакасини ёриб юборгани кўриниб турарди. Бурун катакларидан чиқиб турган туклар қалдирғоч думини эслатарди. “Бу лаънати қора қалдирғоч ўша ерда ин курганга ўхшайди, – кўнглидан кечирди у. – Ин курган, тухум қўйган, бола очган”. У ўша қалдирғочни нишонга олди ва тепкини босди. Яна босди. Яна.

Жараңгдор ва тиник ўқ товушлари кон дарвозаси олдидаги сукунатни бузди. Ўқ товушлари каттакон мalla кўппак хуришини босиб кетди ва дехқонлар эътиборини тортди. Энди кабиналардан сархуш ҳайдовчилар сакраб-сакраб туша бошладилар. Эшакнинг юмшоқ лаблари қаттиқ қайнин игналаридан жишига айланғанди. Аравага қўшилган хўқиз вазмин бошини кўтарди-да, кавашашдан тўхтади. Аввалига ҳамма қотиб қолди, кейин эса воқеа содир бўлган жойга ёпирилиб келишди. Соат ўндан ўттиз беш дақиқа ўтганда Лошанинг йўлак шахтаси навбатчиси бошини чангллаганча ерга қулади. Оғзидан оппоқ кўпик чиқди, танаси жон талвасасида силкинар эди. Юзида кинояли табассум ўйнаган ва қўлида ялтироқ тўппонча тутган Динг Гоуэр Ҳимолай чўққисидек қаққайиб турарди. Милтиқ оғзидан чиқаётган кўкимтир тутун уни ўраб олмоқда эди.

Дарвозанинг темир панжараларидан тутганча оломон ҳанг манг қараб турарди. Чийиллаган овоз янграб улгургунча жуда кўп вақт ўтганга ўхшаб туюлди:

– Ўлдирдилар! Навбатчи Лао Люйни ўлдирдилар!

Мана бу қўкиш-қора Ҳимолай заранги, яъни Динг Гоуэр заҳархандалик билан тиржайди.

– Бу қари кўппак килган ёмонликларнинг санаб саноғига етиб бўлмайди.

– Ошпазлик академиясига, маҳсус ошпазлик бўлимига сотиш керак!

– Уни пиширишнинг ўзи бўладими, қари кўппак-ку!

– Маҳсус ошхоналарга оппоқкина, баррагина ўғил болаларни олишади, бу чандир кимга керак?!

– Ҳайвонот боғига бериш керак, бўриларга озуқа!

– Бунака озуқа билан бўриларнинг кўнглини олиб бўлибсан.

– Унда маҳсус турдаги гиёҳлар учун тажриба ерлари бор-ку, қайта ишлаб, ўғит қилишсин!

Динг Гоуэр түппончани ҳавода ўйнатди. Ялтироқ сирти кумуш кўзгудай чараклаб кетди. Түппончани илиб олиб, кафтига қўйганча уни дарвоза ортида турганларга кўрсатди. Ихчам, нафис, чиройли чизиклар тортилган түппонча револьверга ўхшарди.

– Вахимага тушманлар, дўстлар, – мийигида кулди у. – Ахир бу болалар ўйинчоғи-ку!

Тугмачани босиб, у түппончани иккига ажратди, унча катта бўлмаган, тўқ қизил дискни қаттиқ пластикдан суғуриб олди-да, йифилгандарга на мойиш қила бошлади.

– Ҳар бир тиш қоғоз қобикдаги мosh донасилик келадиган ўқни қисиб қолади, – тушунтириди у. – Тепкини босасан, диск айланади, ўқ товуши ян грайди. Бу ўйинчокдан театрда бутафория реквизити, спорт мусобақаларида старт түппонча сифатида фойдаланиш мумкин. Бўнақалари ҳар бир универмагда сотилади. – Шу сўзларни айтиб, у барабан тарновига ўқ сукди ва түппончани йигиб, тепкини босди: пак!!!

– Ана шунаقا, – деди у мойфурушларга ўхшаб. – Ишонмасангиз, қаранг.

– Шундай дея у түппонча оғзини енгига олиб борди-да, яна тепкини босди.

– Ван Лян Жюй! – деди ҳайдовчилардан бири. Афтидан, у бир вақтлар

“Намунали “Кизил фонус” пьесаси”ни кўрган эди.

– Бу ҳақиқий түппонча эмас! – Динг Гоуэр қўлинни кўтарди. – Каранглар-а, агар ҳақиқий бўлганида, ўқ бу ёғидан кириб, у ёғидан тешиб чиқарди, тўғрими? – Унинг енгидаги сарғиши доғ куёш нурида кўринди, ундан ўткир ўқ-дори ҳиди келарди.

Терговчи түппончани чўнтағига жойлади, ерда йиқилиб ётган навбатчи олдига борди-да, уни бир тепди:

– Тур ўрнингдан, ошна, ўликка ўхшаб ётганингдан иш чиқмайди.

Ўша-ўша бошини чангллаганча навбатчи ўрнидан турди. Унинг юзи обдон пиширилган нянгао<sup>1</sup>га ўхшаб, касалмандлардай сарғайиб кетганди.

– Сени ўлдириб нима барака топардим, пўписа қилдим холос, – давом этди Динг Гоуэр. – Ҳокимиятни суиистеъмол қилиб бўлмайди. Соат ўн бир бўлди, дарвозани аллақачон очишинг керак эди!

Навбатчи қўлларини юзига олиб борди-да, сийпалай бошлади. Сўнг ишонмагандек, яна бошини туртиб кўрди, қўлларига яна бир карра қараб чиқди. Қон кўринмасди. Тириклигига ишонч ҳосил қилгач, у чуқур хўрсинди ва ҳамон ҳадикли овоз билан сўради:

– Сен-чи, сен бу ерда нима қилиб турибсан?

Динг Гоуэр айёrona жилмайди:

– Мен коннинг янги директориман, шаҳардан юборишиди!

Навбатчи қоровулхонага ўқдай учиб кетди. Қўлида каттакон ялтироқ калит билан қайтиб келди-да, отнинг калласидай келадиган қулфни буради ва дарвозани фийқиллатиб очди. Халқ шодон қўйқириб юборди, ҳамма машиналар томон чопди, бир неча дақиқа ўтиб-ўтмай кўча моторларнинг гувиллашига тўлди.

Машиналар аста-секин, бир-бирига эргашиб, шарак-шуруқ қилганча зич қатор билан дарвоздадан кира бошлади: турган-битгани баҳайбат ва жирканч кўпоёкли занжир тасма. Динг Гоуэр шартта ўзини бир четга олди: юрагида тўсатдан англаб бўлмас ғашлик пайдо бўлди. Кейин тўғри ичаги шунақанги бурадики, томири лўқ-лўқ ура бошлади, оғриқ тутди ва тушундикси, бавосил хуружи зўрайа бошлади. “Яна ўша, оғриқ ва ичимдан қон кетиши”. Бироқ юрагидаги ғашлик анча босилди. Пешонангга битилганидан қочиб қутулиб бўлмайди. Бавосил муқаррар бўлганидек, тартибсизлик ҳам муқаррар, факат илоҳийлик моҳиятининг барҳақлиги бор холос. Бу сафар эзгу моҳият нимада намоён бўларкин?

Навбатчи тўхтовсиз тавба қиларди, унинг юзида мутлақо ғайритабиий табассум жилла бўлса ҳам кўринмасди:

<sup>1</sup> Нянгао – гуручдан тайёрланувчи янги йил таоми.

– Марҳамат, мұхтарам рахбар, навбатчилар хонасига марҳамат қилинг, у ерда лоақал ўтиргани жой бор-ку.

Вазиятга қараб муносабатни ўзгартыришга суяги йўқ Динг Гоуэр навбатчи орқасидан эргашди.

Кенг хона. Каравот. Қора адёл. Иккита металл термос. Баҳайбат буржайка печкаси. Катталиги итнинг бўйи баробар келадиган тошқўмир бўлаклари уюми. Деворда осиглиқ янги йил сувратида унсиз кулганча оғзини очиб турган қип яланғоч, юzlари қизил, қўлларида умрбокийлик рамзи бўлмиш шафтолини ушлаб олган гўдак тасвирланганди. Юраги бир тутам бўлди ва ичаги яна қаттиқ тортиб оғриди.

Хона ичи чидаб бўлмас даражада иссиқ эди. Печкадаги олов гуриллаб ёнарди, азбаройи оловнинг зўридан мўрининг ярми-ю печканинг бутун таҳаси чўққа айланганди. Иссиқ ҳаво оқимлари остида бурчакдаги ўргимчак тўри оҳиста чайқаларди. Шу заҳоти бадани қичишиб, бурни ачишди.

– Совуқми, ўртоқ директор? – хушомад қилиб унга қаради навбатчи.

– Даҳшатнинг ўзи! – ғижиниб тўнғиллади Динг Гоуэр.

– Ташвишланманг, ҳозир кўмирнинг хўрозидан ташлаймиз...

Эгилиб, навбатчи каравот остидан жигарранг-қизил сопли ўткир болтани олди. Терговчи қўлини беихтиёр белига олиб борди: у ерда ҳақиқий тўппонча яшириб қўйилганди. Навбатчи энкайганча печка ёнига борди, чўккалади ва ёстиқдай келадиган кўмир харсангни аста кўтарди. Уни бир кўли билан ушлаб туриб, болта билан солган эди, харсанг қоқ иккига бўлинниб кетди. Текис бўлинган бўлак ялт-юлт қиласарди, бамисоли чеккалари симоб билан қоплаб чиқилгандай. Навбатчи харсангни уришда давом этар экан, ялтироқ кўмир парчалари ҳар томонга сачарарди. У печка эшикчасини очди ва худди шамол келиб теккандек у ердан гуриллаганча лаққа чўғлар отилиб чиқди. Терговчи юzlаридан тер куйилиб кўмирни ичкарига ташлаётган навбатчини кузатиб турди.

– Ҳозир ўт олади, – ўзича минғирлади навбатчи узр сўрагандек. – Бизда кўмир юмшоқ, тез ёнади, бетиним ташлаб туриш керак.

Динг Гоуэр ёқасига тақалиб турган тугмаларини ечди ва пешонасидаги реза терларни сидириб ташлади:

– Сентябрданоқ печка ёқасизларми?

– Совуқ, ўртоқ директор, совуқ... – навбатчининг овози титрарди. – Совуқ... кўмир эса кўп, ана, тоғ-тоғ бўлиб ётиби.

Унинг қуриган юзи бўғирсокқа ўхшарди ва Динг Гоуэр уни бир қўрқитмоқчи бўлди.

– Мен ҳеч қанақа директор-пиректор эмасман, – деди у. – Иш билан келганман. Шунинг учун дадилроқ ёқавер!

Девордаги гўдак тириқдай қиқир-қиқир кула бошлади. Қошини чимириб, Динг Гоуэр маъсум болакайга қараб қолди. Навбатчининг бирдан юзи ўзгарди ва болтага қўл чўзди:

– Ўзингни директор қилиб кўрсатасан-да, одамларни тўппончадан отиб ўлдирасан... Қани, юр-чи, ҳозир сени муҳофаза бўлимига олиб бораман.

– Борди-ю, ростданам директор бўлсам-чи, унда нима бўларди? – мийифида кулди Динг Гоуэр.

Хайрон бўлиб қолган навбатчи бир неча марта жиддий оҳангда хихилаб кулди, болтани қайта каравот остига тиқди ва бирйўла у ердан бир шиша мусаллас олди. Ғадир-будур тишлари билан пўқакни суғуриб ташлади, ўзи ҳам яхши ўрнашиб ўтириб олди, кейин эса хушомадгўйларча шишани Динг Гоуэрга узатди. Мусалласда женьшеннинг оқ-сарик илдизлари ва найзасиз, узун думли етгита қора чаён сузиб юрарди.

– Ичинг, ўртоқ директор, – синовчан таклиф қилди у. – Бу мусаллас етмиш икки дардга даво!

Динг Гоуэр ундан шишани олди-да, чайқади. Чайнлар женьшен чўплари

орасида айланди, шиша ичидан эса ғалати ҳид анқирди. Шиша бўйнига лабларини теккизиб қўйиб, уни навбатчига қайтарди.

Навбатчи нима қилишини билмай, унга синовчан тикилди:  
– Ичмайсизми?



## САРҲАДЛАР

*Роман очколар билан ютса,  
ҳикоя нокаутлар билан ғолиб келади.*

*Роберто Арльт*

*Яхши ҳикоя ўқии мороқли машгулот. Маза қиласи одам.*

Катта асарлар – роман, қисса китобхонга ўзгача таъсир қиласи, баъзи ўринларида зерикасан, бир-икки бобини ўқигандага ларзага тушасану бир хил саҳифаларини эса ташлаб кетиб ўқийсан. Ҳолбуки, ўша роман истеъдод билан зукко, машхур, эътироф этилган адид томонидан ёзилган бўлади. Шунга қарамай, ўқии бирмунча қийин кечади. Камида бир-икки кун керак уни ўқиб тугатиш учун. Оддий мисол, Лев Толстойнинг машҳур романларини олинг. Бу баҳарнав. Жон Голсуорсининг “Форсайтлар ҳақида достон” туркум романларини ўқиган одам яхши билади буни. Ҳолбуки, бу романлар жаҳон адабиётининг олтин хазинасидан ўрин олган мумтоз асарлардир. Фолькнер, Диккенс, Роже Мартин дю Гар, Луи Арагонларнинг шоҳ асарлари ҳақида ҳам шу фикрларни айтиши мумкин. Мақсад даҳо адилларнинг баркамол асарларидан камчилик топши эмас. Балки ҳикоя жанри билан муқояса қилиши учун тамсил қўллаяпман холос. Роман – албатта, ҳақиқий бадиий асарни назарда тутяпман – замон, давр, миллат, шахс ҳаёти ҳақида кенг, атрофлича тасаввур беради, бутун бошли хонадонлар, авлодлар тақдирини акс эттиради, битта одамнинг руҳий оламини таҳлил қиласи. Ҳикоя бўлса бундай вазифани зиммасига олмайди, ҳаёт ҳикояларда узук-юлуқ, парчапурча, қисман акс этади. Кутимаган учрашиув, биргина хато, янгилии касрига қолган инсон қисмати, адашганлар фожиасининг туб сабаблари эсда қоларли битта тўйғнашувда юзага чиқади ёки маълум бўлади.

Квятковскийнинг “Поэтик лугат”ида ҳикоянинг асосий белгилари сифатида қуйидагиларга ургу берилади: “...мухтасар ҳикоя сюжетнинг кескинлиги, аниқ композиция ҳамда кутилмаган якун билан ажратиб туради”. Бу дастлаб Ўйгониши даври ҳикоячилигига алоқадор хусусиятлар бўлган. XIX асрга келиб француз носири Мопассан, рус ҳикоянависи Чехов, XX асрда американлик адид Хемингуэйлар бу жанрнинг қатъий белгилаб қўйилган чегараларини кенгайтиришига уриндилар. Шуларнинг шарофати ҳамда XX асрнинг иккинчи ярмидан бошлаб Лотин Америкасидан чиққан ижодкорлар: Кортасар, Конти, Фуэнтес, Маркес, Карпентьер, Варгас Льосаларнинг бемисл шијсоати, яхши маънодаги “бузгунчилиги” оқибатида ҳикоя жанри, янайм аниқроқ қилиб айтганда, жаҳон ҳикоячилиги бугунги аҳволга келди. Бутун дунёда ёзилаётган ҳикоялар шартли равишда йўналишларга ажратиб қараладиган бўлди. Лирик монолог, ҳеч нарса содир бўлмайдиган ҳикоялар, микродиалоглардан ташкил топган, воқеалар тартиби бузиб ташланган новеллалар, табиат, жониворлар ҳақидаги шоирона эртак-ҳикоялар, психологик, абсурд, рамзий маънодаги ҳикоялар ёзилаёттир. Кейинги сұхбатларимизда аниқ мисоллар билан бу фикрларни далиллашга уринамиз.

Лекин бир нарсани унутмаслик лозим, яхши ёзилган ҳикоялар ҳамиша қизиқарли, таъсирчан бўлади, ҳамто уларнинг шу хусусияти (албатта, фазилати!) ийлар ўтган сари янайм барқарорлашиб, теранлик касб этиб бораверади.

Менинг ҳикоя жанрини, ҳикоячиликни романдан устун қўйши ниятим йўқ,

чунки бу жанр мақтоворга мұхтож әмас, у нүхоятда яшовчан. Одам Атонинг оғеи курраи заминга теккан лаңзаларапдан қадр топган ҳикоя қилиши санъати ҳали-хануз ўша қадриятини түкотмаган.

Хамонки инсон дүнёда яшар экан, адабиёт мавжуд бўлади ва ўз-ўзидан ҳикоя жанри ҳам яшайди.

Бугун мутолаа қилишингиз учун, азиз журналхон, эътиборингизга япон ёзувчили Синъити Юқининг “Хазон қоплаган боз” номли ҳикояси ҳавола этилмоқда<sup>1</sup>.

Маълумки, япон миллиатининг адабий анъаналари Европа халқларининг адабий анъаналаридан кескин фарқ қиласи. Худди Киото боғлари Версаль боғларидан ажралиб тургани каби. Француз боғлари боғбоннинг аёвсиз хоҳииш-талашибига биноан аниқ бир шаклга келтирилган бўлади. Ҳаммаси ҳисобланган, тўгриланган – демак, ибтидоий қиёфасига путур етган. Улардан фарқли ўлароқ, японлар манзарани имкон қадар табиий ҳолда сақлаши тарафдоридирлар, шу сабабдан улар яратган ўтлоқ, гулзор, боз, митти дараҳтлар – икебана санъати – қаровсиздек, тартиб берилмагандек таассурот қолдиради, ҳолбуки, ўша бозда ҳар бир дараҳтни қаерга, қайси дараҳт ёнига экши ҳақида боғбонлар, мутахассислар узоқ боси қотиришиган, ўйлаган, ижод қилишиган – бу хусусда, таъбири жоиз бўлса, қайгуришиган бўлади.

Дарвоқе, журналда эълон қилинаётган ҳикоя Япониядаги боз яратиш санъати ҳақида озми-кўпми тасаввур беради. Умуман олганда, “Хазон қоплаган боз” мунгли оҳангларга, маъюс кайфиятга тўгрилган. У кексалик, ўлим ва хотира – ёд этиши ҳақида, боз яратиш учун битта одамнинг умри етмаслиги ҳақида.

Ҳикояда мўйсафид Каяма умрининг охирги даври қаламга олинган. Рафиқаси вафот этган, ўғли билан қизи ҳам ўзларидан тинчид, Токиога кўчиб кетишиган. Ёлгиз қолган чол бирдан боз барпо қилиши ташвишига тушади: “Каяма боз барпо қилишига кишигандо олтмишини қоралаб қўйганди. Ўшандан буён ўн ийл ўтибди”. Ҳикоя мана шундай ғамти оҳангдаги хабар билан бошланади. Каяма файласуф ёки шоир эмас, менимча, у ҳақида японлардан сўрасангиз, ҳеч қийналмасдан тавозе билан латиф оҳангда “Ахир у япон-ку” деб жавоб қилсалар, ажаб эмас. Шу маънода нима бўлган тақдирда ҳам, у ёлгизлиги учунми, боз билан овунмоқчими, қолган умрига озгина бўлса ҳам маъно бағишмоқчими – фарқи йўқ, у япон экан, бас, боз барпо қилишига қарор қилгани бежиз эмас – бу унинг қонида бор.

Жаҳон халқлари орасида японлар қадар табиатга яқин, уни яратувчи деб билишидан фахрланадиган халқ бўлмаса керак. Улар учун табиатдаги ҳамма нарса муқаддас. Айниқса, дараҳт, тош ва гул. Дараҳт образи япон ёзувчиларининг асарларида рамзий маъно касб этади. Кавабатанинг “Тоғлар фарёди” романини олинг:

“Довул гинго билан сакуранинг баргларини бир кечада тўкиб юборди. Булар Синго ҳовлиси ёнидаги энг улкан дараҳтлар бўлиб, улар қаттиқ шамолларга бардошли эди, бироқ япроқлар бунақа шамолда тўкилмай иложси йўқ... Мана, баҳайбат гинго янги сурх япроқлар ёзди”. Ёки “Бамбук садоси, шафтоли гули” ҳикоясини олинг:

“Тоғ ёнбағрида баланд дараҳтлар кўзга чалинмас, бироқ кичиклари шунчалар қуюқ, зич ўсган эдики, ям-яшил парда билан тўсиб қўйилган дейсиз. Фақатгина тепаликнинг энг юқорисида баҳайбат қуриган қарагай бир ўзи қад ростлаб турибди”.

Дунёга довруғи кетган Рёндзи богини эсланг.

Рабиндронат Тагор бир пайтлар Японияга қилган сафари чогида “Япон кўзлари билан фикрлайди” деб бежиз ёзмаган.

Ҳикояга қайтсан.

<sup>1</sup> Журнал мұштарийлари ушбу ҳикояни “Хазонрезги боз” номи билан Дилдора Алиева таржимасида ўқиганлар (2010/11). Ҳар иккى таржима матни қиёси ўқувчилар ва тадқиқотчилар учун қизиқ машғулот бўлишишига ишонаман. – О.О.

Ҳикояда табиат асар қаҳрамони ҳаётининг инъикоси сифатида қатнашади, тұғрироғи, қаҳрамон ҳаётын тұлароқ ифода этишига хизмат қилади. Лекин айни чоқда у ўз ҳолика асар вөкөаларидан узилиб қолмайды, балки алоҳида ажамият касб этади. Муаллиф Каяма билан бирга бөгдаги ўзгаришлар, дараҳтлар тақдиди ва тошлар тарихи, ўтганлар ёди хусусида мұлоҳаза юритмайды, фалсафа сүқмайды, балки шу нарсаларни ўқувчига етказиш учун киши билмас ишора қилади, акс эттириши ва рұхий кечинмалар тасвиридан фойдаланаади.

Бог барпо құлгач, ўлсам армоним іўк, дея айтган Каяманиң ҳаёти күн сайин фаол рұхий таҳлил ҳамда қайғудош бўлишини талаб қилиб боради. Пировардида аввал Каяма, сўнгра ўқувчи bog ўртасида ётган харсангга “сув керакдир” деб ўйлаб қолади. Қудуқдан сув келтириб тошга қўйши, умуман, улкан тошини ювииш бошқа ҳалқларга, хусусан, бизга ёт машгулот. Нима фойдаси бор, нимага керак бу беҳуда уриниш, дея мұлоҳаза қиласиз биз. Лекин тошга тирик мавжудот сифатида қараши она сути билан кириб, қон-қонига сингиб кетган японлар учун тош бағридан турли садолар чиқшии ҳам табиий.

Каяманиң яқини бөгбон Судо вафот этгач, у янаем ёлгизланыб қолади. Ҳайҳотдай bog, турли зийнатли, ҳашаматли тошлар, бөгдан боққа кўчириб ўтказилган дараҳтлар, оқ олхўри ҳамда бир замонлар, урушининг охирларида снаряд тушиб, уй ичидә ёнгинда ҳалок бўлган аёллардан бирининг рұхи билан бир ўзи қолган Каяма ўлимни деярли эсламай қўяди. У энди, ярим тунда уйига кириб келадиган оқ кимоноли аёл хаёли билан яшай бошлиайди. Бир күн ҳам зерикиш нималигини билмайди у. Кунларнинг фарқига бормай қўяди, лекин улкан тошини нариги дунёга ола кетишнинг иложи ўйқлиси ҳақида фикр юритади. У ўзидан bog қолаётгани учун ортиқ қувонмайды. Қувониши, гам чекишга йўл қўймайди унинг табиатга сингиб кетаётган ҳаёти. Яхши-ю, нақадар тургам Каяманиң ҳаёти!

Муболага қиласипти деманг-ку, “Хазон қоплаган bog” ҳикоясининг қаҳрамони Каяманиң ҳаёти ёзилмаган достондек таассурот қолдиради. Уибу ҳикояни ўзбек режиссёри Собир Назармуҳамедовнинг “Армонли дунё” фильмига қиёслаш билан ҳикоя ҳақидаги мушоҳадаларимни якунласам. Ўзбек режиссёрининг фильміда ҳам нафақага чиққан мўйсафи (ҳатто Каяма билан тенгдош) bog барпо этишига киришади. Минг қийинчиликлар билан ниятига эришиади. Лекин режиссёр бу масалани ижтимоий ўйналишида ҳал қилади. Собиқ тарих ўқитувчиси амалдор, юлгич, зўравонларга, катта ўғлиниг “Дада, ўзингиз учун яшанг, сиз ҳам чойхонада оишўрлик қилинг, ҳажсга боринг – қанча пул бўлса мен бераман” деган илтимос-иддаоларига қулоқ солмайды, кеча-ю кундуз тер тўкиб, минг машаққат билан тошлоқ ерни обод қилиб bog яратади, уни ҳеч ким ва ҳеч нарса қайтаролмайди бу йўлдан.

“Хазон қоплаган bog” ҳикоясида эса шу масала фалсафий йўналишида таҳлил этилади. Ҳеч кими иўк – хотини ўлган, болалари кетиб қолган, якка ўзи яшаётган Каяма дунёга ўзидан bog қолдириси истагида ёнади ва bog барпо қилади. Унга ҳеч ким халал бермайди; на амалдорлар, на зўравонлик, зулмни қурол қилиб олган гуруҳ раҳнамолари зугум қиласайди – у ўзи учун, юрак амри билан шундай савоб ишига қўл уради.

Япон ҳалқининг табиатга муносабати тамоман ўзига хослигини айтиб ўтдим. “Японларнинг санъати билан яқиндан танишар эканмиз, бу санъат асарлари донишманд файласуф ҳамда доно мураббий вазифасини ўтайди, бироқ улар вақтини нимага сарф қиласади деб ўйлайсиз? Ердан Ойгача бўлган масофани ўлчашгами? Бисмарк сиёсатини таҳлил қилишгами? Йўқ, оддийгина алафдан ҳайратланишига”.

Бу улуғ Ван Гогнинг эътирофи эди.

Таржимондан

ЖАҲОН АДДАИЁТИ 2014/10

## БУГУНГИ ЧИН ЎРТИНИНГ СИЁСИЙ ЙЎЛИ ВА “ХИТОЙ ОРЗУСИ”

Хитойда шўроча қайта куриш тажрибасини такрорлаш тузатиб бўлмас оқибатларга олиб келади, деб ҳисоблайдилар.

2014 йил 1 октябрда Хитой Халқ Республикасининг ташкил этилганига 65 йил тўлди. XXР тарихини икки даврга бўлиш мумкин. Биринчиси – 1949 йилдан 1977 йилгача – синовлар ва хатолар вақти. Иккинчиси – 1978 йилдан бошлаб – социалистик замонавийлаштиришни муваффакиятли амалга ошириш вақти.

Ҳокимият тепасига келгандан кейинги дастлабки йилларда Хитой Коммунистик партияси социалистик қурилиш – саноатлаштириш, жамоалаштириш ва маданий инқилибнинг ўша вақтда умум томонидан эътироф этилган тамойиллари йўлидан борди. Бунда таомилдаги жиддий хатолар ва камчиликлар ҳам бўлди. Халқ коммуналари, синфий душманлар билан курашиш, ниҳоят, роса ўн йил давом этган ва мамлакатни иқтисодий ва сиёсий бошбошдоқликка гирифткор этган “маданий инқилоб” шуларга киради. “Шу билан бирга, – деб таъкидлашади таҳлилчилар, – бугунги Хитойда бутун дастлабки даврни фақат биргина хатоларга олиб келиб тақаш нотўғри бўлар эди – Хитой Халқ Республикаси халқаро майдонда ўзини ёрқин намоён эта олган мустакил, кучли давлатга айланди”.

Ўтган асрнинг 70–80-йилларида Компартия раҳбарияти ўтмиш, ҳозир ва келажакка нисбатан қатор жиддий хулосалар чиқарди. Бу социалистик – айнан социалистик! – замонавийлаштириш дастури эди. Мазкур коидалар мамлакат ичкарисида ҳам, ундан ташқарида ҳам тўпланган тажриба ва ўзгариб турувчи ҳолатларни ҳисобга олиб муттасил тузатиб тўлдириб борилди.

Энг аввало, шундай хулоса чиқардикки, ҳар бир мамлакатнинг, айни ҳолда Хитойнинг тараққиёти унинг маданий-тарихий хусусиятларини белгилаб берувчи ўз миллий хоссасига эга.

Хитойда бошка мамлакатларнинг иқтисодий ва сиёсий тажрибасини ўрганиш ва ундан фойдаланишини инкор этишмайди, аммо шу шарт биланки, агар у, яъни мана шу тажриба, Хитой давлатининг ижтимоий-иктисодий тараққиёти талабларига жавоб берса! Хитой раҳбарияти стратегик йўлининг ўзи “ислоҳотлар ва очиқлик сиёсати” деб аталади. Хитойнинг минглаб фуқаролари хорижий мамлакатларда касб тайёр-гарлигини ўтамоқдалар, чет эл тажрибасини ўрганиш учун давлат ва партия органларининг ходимлари мунтазам чет элга чиқиб келмоқдалар. Мамлакатда жаҳоннинг кўплаб давлатидан юзлаб таникли сиёсатчилар, иқтисодчилар, олимлар хитой тингловчилари олдида ўз қарашларини бемалол баён этадилар. Бироқ иқтисодий ва айникса, сиёсий қарорлар қабул қилишда Хитой эксперт ҳамжамияти ҳал қилувчи роль ўйнайди. Фақат Пекин ва Шанхайдагина эмас, балки мамлакатнинг чекка жойла-рида ҳам ўнлаб давлат таҳлил марказлари мавжуд.

Узоқ давом этган муҳокамалар натижасида “хитойда ўзига хос социализм концепцияси” ёки “Дэн Сяопин назарияси” шакллантирилган эди. Бу социализмнинг назарияси ва амалиётидаги янги, хитойча сўз

эди. Бу концепцияга кўра социалистик жамият қуришнинг ўзи узоқ тарихий даврни – ўттиз-қирқ йилларни, эҳтимолки, асрларни эгаллайди, ҳар ҳолда бу даврнинг вақтинчалик чегаралари белгиланмаган. Ўтиш даврида мулкчилик шаклларига нисбатан муҳим қоидалар сираси мана шундан келиб чиқади. Хусусий мулк давлат, жамоат ва кооператив (ширкат) мулки билан бир қаторда тенгхукукли шакл деб эълон қилинган. Бу фақат партия хужжатларида эмас, балки давлат конституциясида ҳам қайд этилган. Кўриб турганингиздек, тадбиркорлар социализм қурилишининг тенгхукукли иштирокчилари ҳисобланадилар.

Айни вактда иқтисодиётнинг бозор бошқаруви услублари хўжалик юритиш амалиётига кириб келди. Хусусий маблағ (сармоя) ҳалқ хўжалигининг қатор соҳаларида муҳим аҳамият қасб эта бошлади. Бироқ иқтисодиётнинг стратегик соҳалари – темир йўл ва авиация транспорти, нефть ва газ компаниялари, табиий бойликлар қазиб чиқарувчи корхоналар, масалан, кўумир конлари, банклар – давлат ихтиёрида қолмоқда. Дорихоналар ҳам давлатники саналади, шу боисдан дориларнинг нархи барча шаҳар дорихоналари учун барқарор ва ягона ҳисобланади. Айтгандай, китоб ва рўзнома маҳсулотлари нархи дўкон ва дўкончаларда сотилаётганда эмас, балки уни чоп этаётган вақтда белгиланади.

Илмий тадқиқотлар тараққёти давлат режаларида устувор тусга эга. Хитой Фанлар академияси ва Хитой Ижтимоий фанлар академияси одатдаги тартибда бир меъёрда фаолият кўрсатмоқда. Муайян илмий ва ишлаб чиқариш вазифаларини ҳал этиш учун зарурат туғилганда чет эллик мутахассислар жалб этилмоқда.

Партия ва давлат органлари ходимларини тайёрлаш тўғрисида алоҳида гапиришга тўғри келади. Жўнгина айтганда – амалдорларни тайёрлаш тўғрисида. Партия мактаблари ва маъмурий муассасаларнинг кенг тармоғи ишлаб турибди. Масалан, Пекинда шаҳар партия мактабидан ташқари бундай муассасалар шаҳарнинг ҳар бир туманида ва ҳаттоқи бир қанча йирик компанияларида мавжуд. Марказий партия мактабида олий даражадаги раҳбарлар ҳам – чекка вилоятлар партия қўмиталари котибларидан вазирларгача, университетларнинг ректорларидан тортиб, ижодий уюшмаларнинг масъул ходимларигача қайта тайёргарлиқдан ўтказилади. Уларга фақат мактаб ўқитувчиларигина маъруза ўқимайди, уларнинг олдида мамлакатнинг турли даражадаги раҳбарлари нутқ ирод этади.

## Давоми журнал варианти



Мустақиллик санаси:  
**1949 йил 1 октябрь**  
Пойтахти: **Пекин**  
Майдони: **9 596 960 км<sup>2</sup>**  
Аҳолиси: **1 366 499 000 киши**  
Расмий тили:  
**хитой тили**



## САМОВИЙ САЛТАНАТ СЕҲРИ

*Катталарага итоат ва ҳурмат, жамиятга  
жавобгарлик ҳисси Хитой маданиятининг асосидир.  
Конфуций*

“Инсониятнинг келгуси тараққиёти Ғарб илмий-техник ютуқларини Шарқ түйлалган маънавий бойликлар, ахлоқий мезонлар, диний соҳалардаги ижобий консерватизм билан уйғуллаштириш орқали кечади... Энди Шарқни Ғарбга қарши қўйиш ёки улар ўртасида фарқларни атайин бўргтириб кўрсатиш тараққиёт қонунларини тушунмаслик ё ҳудудий калтафаҳмлик аломатидир”, деганида Владимир Кантор ҳақ эди. Демак, ҳикматоса Шарқ йигирма тўрт аср ўтгач Ғарбни “Нур – Шарқдан” деб такрорлашга мажбур этмоқда. Бунинг исботи ўлароқ Ҳиндистон, Миср ва Месопотамия (ҳозирги Ирқ ва Эрон) мамлакатлари сингари 5 минг йиллик тарихга эга, тамаддун бешиги бўлмиш Хитой ўлкаси яна тарих саҳнасига чиқмоқда. Сон-саноқсиз ҳужум ва ташқи таъсирларга қарамай,ベンазир гўзаллиги ва ўзига хослигини сақлаб қолаётир. Инсоният эришган муваффақиятларнинг аксарияти Хитой тамаддуни билан туташади. Жумладан, қоғоз, қурол, чой, ипак каби кашфиётлар номи Хитой билан боғлиқdir. Бу ўлка Шарқ ва Ғарб ўртасига кўприк қўйган Буюк ипак йўлининг дебочаси. Мамлакатнинг собиқ пойтахти Сиандан бошланиб Ўтра Ер қирғоқларигача етган бу йўл орқали Хитой халқи қоғоз, шойи, қурол, қимматбаҳо тошлар, хитой зираворларини Европага экспорт қилди. Буюк ипак йўли Хитой маданиятининг шаклланишида муҳим роль ўйнади, мамлакатдаги асосий дин – буддизмнинг кенг ёйилиши, давлатнинг Самовий салтанатга айланишига-да таъсир этди.

Чин маданияти урф-одат ва анъаналар, мусиқа, тасвирий санъат, тил, мато ва амалий санъатда ўзини ифода этади. Хитой ёзуви – маданиятининг асосий кўриниши бўлиб, жаҳондаги қадимий тиллар сирасида беш минг йилдан буён ҳозирга қадар сақланиб қолган ягона нодир ёдгорликдир.

ЖАҲОН АДДИЁТИ 2014/10

Дастлаб хитойликлар ўз битикларини ёғочларга, мато ва кейинчалик эса қоғозга муҳрладилар. Бу мамлакат нафақат қоғоз, балки босма дастгоҳ ватани ҳамдир. Европада Иоганн Гутенберг илк бор Инжилни чоп этишидан бир неча аср аввал – Х асрда Шарқда, Хитойда китоб чоп этиб, кўпайтириш амалиёти мавжуд эди. Босма дастгоҳ кашф этилиши билан Хитой адабиёт ва илмий тафаккурда олдинлаб кетди. Хитойликларнинг ўтмишга чексиз қизиқиши натижасида тарих ва қазилмашуносликка доир кўплаб асарлар яратилди. Дастгоҳнинг мамлакат бўйлаб кенг ёйилиши эса халқ оғзаки ижодининг қоғозга тушишига замин яратди. Хитой адабиёти ўз тарихи мобайнида мисли йўқ дурдона асарларни келажак авлодга қолдирди, асрари. Бу маданият кўплаб кўшни давлатлар ва ўрта аср дунёсининг етакчи миллатлари маданиятига-да ўзининг сезиларли таъсирини ўтказди. Хуллас, дунё маданияти ривожини Хитой маданиятисиз тасаввур этиш амри маҳол.

## АДАБИЁТ

*Ўлик тил яшовчан адабиётни яратолмайди.*

*Ху Ши,  
адабиётишунос*

Хитой адабиёти энг қадими адабиётлардан бири бўлиб, илдизи минг йилликларга бориб тақалади. Унинг туғилиши Шан даври, аникроғи “таксминий сўзлар” – буциларнинг пайдо бўлиши билан боғлик; тошбака косасига чизилган белгилар аста-секин вақт ўзгариши билан иероглифларга айланди. Шу нуқтаи назардан хитой ёзуви атроф-табиат манзарасини ўзида акс эттириб, оғзаки нутқдан алоҳида шаклланган. Ёзувнинг тараққий этиши алифбонинг юзага келишига сабаб бўлди. Бу бевосита хитой адабиёти хусусияти билан ҳам боғлик. Биринчидан, оғзаки ва ёзма адабиёт бошқа бир қатор қадими халқлар сингари, “сурат” тушунчасидан айри эмас, шу сабаб ҳам шеърият ва каллиграфия санъатда юксак қадрланади. Шунингдек, хитой адабиётида сўз эмас, фикр, ғоя улуғланади. Унда сўз ўйини эмас, фикр ўйини биринчи ўринга чиқади. Мисол учун, ёр образи адабиётда очик-ошкора тасвир этилмайди, яшириш, пардага ўраш, сўзнинг ортига беркитиш кузатилади. Хитой адабиётида қаҳрамоннинг ким экани, мавжудликнинг моҳиятини тушуниш мураккаблиги шундан. Шеъриятда ҳар бир сўз рамзий маъно ифода этади, мисол учун тол – айриликдаги аёл тимсоли. Шеърият Хитойда ҳамиша адабиётнинг асосий ва етакчи жанри сифатида каралиб, кўнгил ва сўз уйғуналиги деб талқин этилади. “Кўшиқлар китоби” да шеъриятта қуидагича таъриф берилади: “Шеърият – истак-интилиш ифодаси. Кўнгилга келгани – истак бўлса, сўзга киргани шеърdir. Кўнгилда қандайдир ҳис уйғондими, уни сўзга солгинг келади; сўз ожизлик қилса, хиссиёт фарёд солади ва у шеърга айланади; шеърда мамнунлик кўринмаса, у инсонни раксга тушиб кетишдан асрайди”

*Давоми журнал варианти*

## ХИТОЙ ПОЭЗИЯСИДАН НАМУНАЛАР

### ХАЛҚ ҚҮШИҚЛАРИ

Қүшиқлар эрамиздан аевалғы XI-VI асрларга мансуб қадимги хитой адабий ёдгорлиғи “Шицзин” (“Қүшиқлар китоби”)дан танлаб олинған. Манбаларда ёзилишича, қадимғи хитой файласуғи Конфуций (VI-V асрлар) ўша даврага қадар ёзилған уч мингдан ортиқ шеър ва қүшиқ ичидан ўндан бир қисмни танлаб олиб, халқнинг маънавий-рухий камолотига хизмат қилиши учун фалсафий шеърий трактатлари жамланған тұплама кириптан. “Шицзин” тұплами түртта алоҳида бўлимдан иборат: “Шоҳликлар фазилати”, “Кичик қасидалар”, “Камта қасидалар”, “Мадҳиялар”. Таниқли хитойшунос олим А.А.Штукин “Қүшиқлар китоби”ни тўлалигича рус тилига таржима қилган.

### ОЛХҮРИ ТЕРАЁТГАН ҚИЗ ҚҮШИҒИ

Олхўри тўқила бошлади бөгда,  
Дараҳтларда энди мевалар ларzon.  
Согиниб кутганим, мени топсанг гар,  
Бахтга тўлар эди ҳар лаҳзам, инон.

Олхўри тўқила бошлади бөгда,  
Шоҳида қолмади учдан бири ҳам.  
Согиниб кутганим учун наҳотки,  
Ўзганинг дийдори азизроқ бу дам.

Олхўри тўқилиб битар бөгимда,  
Саватга соламан авайлаб териб.  
Эй, мени излаган, согиниб севган,  
Изҳори дил айла бөгимга келиб.

\* \* \*

Кетарманми, азизим, яна,  
Каноп далалари чорлайди сассиз.  
Айрилиқ бор-йўғи бир кун ва лекин  
Гўё сендан уч ой яшадим олис!

Кетгум яна майса, гулларнинг  
Ифорига бўлмоққа ошно.  
Айрилиқ бор-йўғи бир кун ва лекин  
Уч бора фасллар алмашди гўё!

Кетсам, сахий ўрмон бағридан  
Териб келай маймунжон, ялпиз.  
Айрилиқ бор-йўғи бир кун ва лекин  
Гўё уч йил кўришимаганмиз...

\* \* \*

Қўлингни силкитиб борасан мағур,  
Жанобим! Сен жсангда ҳаммадан ботир.  
Буюк саркардасан – енгилмас, жасур,  
Ортингда лашкаринг саф тортаётир.

ЖАҲОН АДАБИЁТИ 2014/10

*Сен Шарққа – ҳарбийга кетгандан бери  
Сочим қовжираған бир сунбул мисол.  
Нега ва ким учун оро берайин,  
Қандай малхам билан бағишилай мажол?*

*Ёмғири ёғса эди – Сендан бир мужда!  
Аммо еру күкни қиздирап офтоб.  
Мен ҳам ҳижронингда қуриб боряпман.  
Рұхи жоним хаста, соchlарим бетоб.*

*Уйимнинг ёнида, шимол тарафда  
Девор тагида ҳам майсалар унмас.  
Қуриб боряпман мен фироқингда,  
Иллар ўтса ҳамки, айрилиқ битмас.*

## ВАН ВЭЙ

(699 ёки 701-759 ёки 761)

Хитой мумтоз адабиёти намояндаси, рассом. Замондошларининг муроҳазалари га кўра, “унинг шеърларида – рангтасвир, суратларида эса – шеърият мужассам”. Лирик манзара жанридаги асарларида утабиат ва инсон орасидаги ўзаро уйғунликни маҳорат билан ифодалай олган.

## СОҲИЛ БЎЙИ

*Соҳил бўйи осуда, сокин,  
Яшаяпман дилда ҳаловат.  
Кўринмайди атрофда тоғлар  
Ястанган кенг далалар фақат.  
Тутзорларнинг ортида қизгии,  
Ўфқ боши қўяр ётогига жисим.  
Икки қишилоқ – икки соҳилда  
Ярқирайди дарё ҳам лим-лим.*

*Кишилоқ... яшил сўқмоқлар аро  
Чўпон бола ташлайди қадам.  
Соясилик ортидан қолмай  
Овчи им ҳам чопади илдам.  
Не билан банд кун бўйи зоҳид?  
Излаб жавоб тополмайман ҳеч.  
Шоҳ-шаббадан ясалган эшик  
Очилмайди эртадан то кеч.*

## НИЛУФАРЛАР ЎСГАН КЎЛ УЗРА...

*Нилуфарлар ўсган кўл узра...  
Сузмоқдаман, дилда эҳтирос.  
Омонатроқ, эски бир қайик,  
Улкан орол – гўзал бекиёс...  
Кечга қадар қайтгум ва лекин,*

*Ортга сургум фурсатни бироз.  
Тўлқинларда сиргалгум аста,  
Кўл оромин бузмай, деб бехос.  
Кўрқгум, ивиб қолмасин гуллар  
Эгнидаги баҳмалранг либос.*



## ЛИАНГ ЯН ШЕНГ

**З**амонавий тасвирий санъат оламида хитойлик мусаввирларнинг ижоди нафақат Шарқ, балки бутун дунёда қадрланади. Хитой тасвирий санъатининг тарихи жуда қадимий бўлиб, ҳозирги кунгача у ўз анъаналарини мусаввирлар орқали давом эттириб келмоқда. Табиат гўзаллигини мўйқалам орқали тасвирлаш хитойлик рассомларнинг асосий мавзуларидан бири бўлиб, бу борада жуда кўп ажойиб суратлар яратилган. Таниқли ва серкирра ижодкор Лианг Ян Шенг ҳам тасвирий санъатда жуда оммавий саналган “гуллар ва қушлар” йўналишида сермаҳсул ижод қилиб келмоқда. Мутахассисларнинг фикрича, Лианг Ян Шенг сувратларидаги ёрқин ранглар рассом ижодининг асосий белгиси ҳисобланади.

Лианг Ян Шенг 1960 йил Пекинда таваллуд топган. Рассом болалик чоғларидан расм чизишга ўзгача меҳр қўйган, шу сабабли унда замонавий рассомлар билан бир қаторда классик мусаввирларнинг асарлари ҳам катта қизиқиш уйғотарди. Тасвирий санъат билан мунтазам шуғулланиш мақсадида у 70-йилларда истеъоддли мусаввир Сун Баохуа Сонгга шогирдликка тушади, устозидан мусаввирлик санъатининг дастлабки йўналишлари ва сир-



синоатларини қунт билан ўргана бошлиди. 1982 йилдан таниқли рассом Лиу Ли қўлида таълим олишни давом эттиради, бу ерда унинг етуқ ижодкор бўлиб етишиши учун кенг имкониятлар мавжуд эди.

Рассомнинг ижодий фаолиятида табиатни акс эттириш асосий ўринни эгаллади. У ўз сувратларида табиат гўзаллиги, мафтункорлиги, нафислиги ва ундаги соқинликни турфа рангларда тараннум этади. Рассом сувратларида тасвирланадиган ранг-баранг гуллар: саллагул, нилуфар, наврўзгул, лола ажабтовур қушлар билан уйғунликда жуда жозибали тусга кириб, мафтункор манзарани акс эттирган. Журналиmez муковасида тақдим этилаётган суврат “Тинчлик элчиси” деб номланиб, ҳамиша поклик ва осойишталик рамзи бўлган оқ капитарлар гўзал табиат оғушида юксак маҳорат билан тасвирланган. Баъзи мутахассисларнинг айтишига қараганда, унинг сувбўёқ асарлари инсон қалбида табиатга нисбатан меҳр туйгусини уйғотади. Шу боис рангтасвир мухлислари рассомни кўпинча “сехрли мўйқалам эгаси” деб аташади.

Аброр УМАРОВ  
тайёрлади

ЖАХОН АДАБИЁТИ 2014/10